

Powšitkowne WOZJEWJENJA

njedźelu, 29. apryla 2012

Beneficny koncert we Łazku

Před wulkotnej kulisu Łazkowskeho niwoweho lěsa wuhotuje Towarstwo swjateje Filomeny njedźelu, 29. apryla, w 14.30 hodź. beneficny koncert. Program wuhotuja spěwarka Uta Bržanec, Rakečanscy muzikanća, Serbska rejowanska skupina z Ćiska, spěwna skupina Po štyrjoch, kulturna skupina Worklečanskeje zakładneje šule, chór Wósličanskej ewangelskeje srjedźneje šule, Smjerdžečanska rejowanska skupina kaž tež ludowa basnica Monika Kochowa. Wunošk koncerta wužije so za twar džěłarnje za zbrašenych w Slavonskim Brodže w Chorwatskej. Wšitcy su wutrobnje do Łazka přeprašeni.

Terminy mejskich nyšporow w Róžeńće

wutoru, 1. meje, w 17 hodź.

štwórtk, 3. meje, w 19 hodź.

njedźelu, 6. meje, w 17 hodź.

štwórtk, 10. meje, w 19 hodź.

njedźelu, 13. meje, w 17 hodź.

štwórtk, 17. meje, w 17 hodź. (Božeho spěća)

njedźelu, 20. meje, w 17 hodź.

štwórtk, 24. meje, w 19 hodź.

njedźelu, 27. meje, w 17 hodź.

štwórtk, 31. meje, w 19 hodź.

Mejski nyšpor serbskich młodostnych

Wšitcy serbscy młodostni su wutoru, 1. meje, wutrobnje na mejski nyšpor k pomnikej swjateju Cyrila a Metoda pola Smochćic přeprašeni. Nyšporej, kotryž započnje so w 14 hodź., přizamknje so zhromadna swačina.

Wo serbskich jutrownych nałožkach

Radijowy sćelak Deutschlandradio Kultur wusyła pónđzelu, 7. meje, wot 16.05 hodź. přinošk wo serbskich jutrownych nałožkach. Po tym wozjewi sćelak tekst kaž tež přinošk jako mp3 za słyšenje a download w interneće.

Za wulět samostejacych so přizjewić

Samostejacy ze serbskich wosadow změja wutoru, 22. meje, swój lětuši zhromadny wulět z busom, kotryž powjedže do Žitawskich hór. Zajimcy njech so hač do pjatka, 11. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotlivych wsow so po zwučenyj wašnju njedźelu do wulěta wozjewja.

Zhromadny dzeń za 1. a 2. lětnik

Na zhromadny dzeń do Don Boskowego domu we Worklecach přepróšuje Dekanatne dušepastyrstwo šulerki a šulerjow 1. a 2. lětnika sobotu, 19. meje, wot 9 do 15 hodź. Zajimcy njech so prošu hač do wutory, 15. meje, pod telefonowym číslom (03 57 96) 8 87 07 we Worklecach přizjewja. Za wudawki dnja zhromadźi so wot kóždého wobdźělnika přinošk we wysokosći třoch eurow.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 12. meje. W 13.30 hodź. je w cyrkwi modlenje swjateho róžowca, kotremuž přizamknje so w 14 hodź. Boža mša. Na njej wudźěli so tym, kotřiž sej to přeja, žaľbowanje chorych. Po kemšach poskići so swačina. Swjata spowědź budže za čas róžowca.

Nalětni koncert kulturneje brigady

Chór 1. serbskeje kulturneje brigady z.t. přepróšuje wutrobnje na nalětni koncert njedźelu, 13. róžownika, w 17.00 hodź. w farskej cyrkwi w Njebjelčicach. Šulerjo zanjesu twórby z oratorijoweho cyklusa „Počasy“. Zaklinča tež duchowne a nalětnje spěwy serbskich a dalších komponistow. Wuměłski nawod změje Budyski tachantski kantor Friedemann Böhme, instrumentalny přewod Gina Hentsch, a solistka budže Tanja Donatec.

Koparski turněr ministrantow

Ministranća ze wšitkich serbskich wosadow su na koparski turněr sobotu, 9. junija, do Pěskec přepróšeni. Započatk je w 9 hodź. z Božej mšu we wjesnej kapalce.